

# ВЫНСЬӨДӨМА

Коми Республикаса Веськөдлан котырлөн

2020 во лөддза-номъя төлысь 15 лунся 304 №-а шуөмөн

(24 №-а содтөд)

“Шырнюр II” республика төдчанлуна

канму вөр-ва заказник йылысь

## ПОЛОЖЕНИЕ

### 1. Панас

“Шырнюр II” республика төдчанлуна канму вөр-ва заказник (водзö – заказник) артмөдöма “Коми АССР-ын заказникъяс да вөр-ва памятникъяс индöм йылысь” Коми АССР-са Министръяс Сöветлөн 1978 во вöльгым төлысь 30 лунся 484 №-а шуөмөн.

Заказник лöө республика төдчанлуна торйөн ёна видзан вөр-ва мутасөн (водзö – ООПТ) да сылөн эм гидрологическöй (нюрвывса) нырвизь.

ООПТ-лөн тыр ним: “Шырнюр II” республика төдчанлуна канму вөр-ва заказник.

ООПТ-лөн дженьыд ним: “Шырнюр II” заказник.

Заказниксö артмөдöма вына кадколаст урчиттöг да заказниклөн мудоръясын меститчысь му участокъяссö вöдитчысьяслысь, кутысьяслысь да киын кутысьяслысь босьттöг.

Заказник котыртан да сйöс уджöдан юкöнын канмусянь веськөдлöмыс, заказник видзан да сыөн вöдитчан юкöнын канму дöзьöрыс збыльмөдсьö Коми Республикаса Веськөдлан котырөн уполномочитöм Коми Республикаса олöмö пöртысь власьт органөн да (либö) сылөн ведомствоувса канму учреждениеөн, кодлы сетöма лöсялана уджмогъяссö (водзö – заказникөн веськөдлысь орган).

## 2. Заказник артмөдан медшөр могъяс да сылөн могъяс

2.1. Заказниксө артмөдөма мезоолиготрофнөй сикаса нюр система видзөм могысь.

2.2. Заказниклөн шөр могъяс:

видзны экологическөй өтвесьталунсө;

видзны ландшафтнөй да биологическөй унапөлөслунсө, сы лыдын шоча паныдасьлысь быдмөг сикасьяслысь быдманінъяссө;

видзны му да ва экосистемаяслысь гидрологическөй режимсө;

туявны вөр-ва комплексъасын ывлывьса процессъяссө да видзөдны экосистемаяслөн серпас вежсьөм бөрся.

## 3. Заказниклөн меститчанін да площадь

3.1. Заказник меститчө “Көрткерөс” муниципальной районса муниципальной юкөнлөн мутасын Одыб сиктсаянь 6 км рытывывлань, Шойнатыса лесничестволөн Одыбса участковөй лесничестволөн 37, 38, 55, 56 кварталъяслөн мудоръясын.

Заказник меститчанінлысь карта-схемасө вайөдөма тайө Положение дорө 1 содтөдын\*.

3.2. Заказник мутаслөн площадьыс лоө 1035 га.

---

\* Оз йөзөдсьы.

## 4. Заказниклөн мудоръяс

4.1. Заказниклөн мудорыс мунө Шойнатыса лесничестволөн Одыбса участковөй лесничестволөн 38 кварталса 49 выделлөн рытывыв помсянь 38 кварталса 49 выделлөн рытывыв, войыв да асивыв мудоръясті, 38 кварталса 42 выделлөн войыв, асивыв да луныв мудоръясті, 56 кварталса 1, 6, 13

выделяслөн асыввыв мудорьясті, 56 кварталса 13 выделлөн лунвыв мудорті, 55 кварталса 8 выделлөн асыввыв, лунвыв, рытиввыв да войвыв мудорьясті, 37 кварталса 00 выделлөн рытив-войвыв мудорті петан чутөдз. Заказниклөн мутасө сіджө тырвыйө пырöны Шойнатыса лесничестволөн Одыбса участковöй лесничестволөн 37 кварталса 53 выдел, 38 кварталса 43, 44 выделяс, 55 кварталса 10, 12 выделяс да 2, 3, 12, 16, 17, 21 выделяс.

4.2. Заказниклысь мудорьяссө петкөдлөма карта-схема вылын тайö Положение дорö 2 содтöдын\*.

---

\* Оз йөзөдсы.

## 5. Заказниклөн мудорьясын меститчысь видзан вөр-ва комплексъяс да налөн компонентъяс

Заказниклөн мутасын видзöны мезоолиготрофнöй, ёнакодъ васөд массив, мый лоö паськыд нюр системалөн юкөнөн. Микрорельефыс вутшка-зыбуч, шөр юкөннын вежсьö мусюра-зыбуч да мусюра-йөнöда вылө. Нюр дорын микрорельеф формаыс ёнджыкасö джуджыд, нюрлөн медся васөд юкөнъясын зыбучьяс да эшкынъяс босьтöны участокъяслөн площадьлысь 90 %-өдз. Быдмөгьяса му веркөсыс ёнджыкасö комплекснöй. Нюрлөн шөр юкөнныс вөртөм. Корсюрö паныдасьöны обыкновеннöй пожөмлөн (*Pinus sylvestris*) либө налөн чукөрлөн торйөн сулалысь пуяс. Микроджуджыдджыкинъяслөн (вутшьяслөн да мусюръяслөн) быдмөгьясыс пырджык өтсьмаөсь. Джуджыд вутшьясын да мусюръясын меститчöны куста-нитшка да куста-мырпома-нитшка фитоценозьяс, ляпкыдджык вутшьясын да мусюръяс вылын ляпкыдджыкинъясын – куста-гöнаюра-нитшка өткотырьяс. Туруна-куста ярусыс бура төдчө да сылөн эм зумыд сикаса тэчас. Став вутш вылын сылысь подувсө артмөдöны тусяпу кустьяс: нюрвывса момга турун (*Chamaedaphne calyculata*), керч (*Ledum palustre*), кузьмөс корья подбел (*Andromeda polifolia*), обыкновеннöй чөдлач (*Vaccinium uliginosum*), гермафродитнöй понпир

(*Empetrum hermaphroditum*), кузьмөс турипув (*Oxycoccus microcarpus*) да гөгрөс турипув (*Oxycoccus palustris*). Турунъясыс уна сөмын мырпом (*Rubus chamaemorus*) либө влагалищной гөнаюр (*Eriophorum vaginatum*). Му веркөсыс өтпомся, артмөма нюр нитшъясыс. Джын случайын эдификаторөн лоө рудовгөрд нюр нитш (*Sphagnum fuscum*), мукөдын нитшка яруссо артмөдө некымын сикас нитш. Микрорельефлөн ляпкыдджыкинъясын быдмөгъяса му веркөсыс уна сикасаджык. Сійө абу өтсыма, тшөкыда мозаика сяма. Ёна паськалөмаось фитоценозъяс, кодъяслөн туруна-куста ярусун ыджыдалө татшөм сикасысыс өти: нюрвывса шейхцерия (*Scheuchzeria palustris*), зыбуч эжөр (*Carex limosa*), гөрдөв гөнаюр (*Eriophorum russeolum*) да влагалищной гөнаюр (*E. vaginatum*). Быдөн на пиысь вермө лоны кыдзи доминантаөн, сідз и ыджыдавыны мукөд быдмөгъяскөд өтув. Ёна паськалөм сикасыс кындзи, тайө өткотыръяслөн туруна-куста ярусун пырджык быдмөны английской лысватурун (*Drosera anglica*) да гөгрөс коръя лысва турун (*D. rotundifolia*), гөгрөс турипув (*Oxycoccus palustris*). Му веркөсыс тані артмөма балтийской нюр нитшкысь (*Sphagnum balticum*), сійө өтпомся либө руш, сылөн проективной вевгтьөдыс – 90-100 %. Медся ыджыд да васөд зыбучьясын да йөнөдъясын овмөдчөны гидрофильной нитшъяс: Линдберглөн нюр нитш (*Sphagnum lindbergii*), ыджыд нюр нитш (*Sphagnum majus*), Йенсен нюр нитш (*S. jensenii*) да бесколечкөвөй варнсторфия (*Warnstorfia exannulata*).

Массив пытшкын паськалөма уна вөр ді, кодъяс торъялөны нюрсялан тшупөд серти. Найө вермөны лоны пожөма-гөнаюра-нитшкаөсь, пожөма-куста-гөнаюра-нитшкаөсь либө гөнаюра-нитшкаөсь. Вөрыс артмөма обыкновенной пөжөмысь (*Pinus sylvestris*) пашкыр кызлөн (*Betula pubescens*) сорасөн. Вөр діяс дорын матын неыджыд участокъясун меститчөны вуджан өткотыръяс, көні ыджыдалөны бутыльчатөй эжөр (*Carex rostrata*) да нюр нитшъяс – вежласяна нюр нитш (*Sphagnum fallax*) да вадорса нюр нитш (*S. Riparium*). Резерватын быдмө чутөсь мөсмяк турун (*Dactylorhiza maculata*), кутшөмөс пыртөма Быдмөгъяслөн лыддьөгө (списокө), кодъяслөн вөр-ваын олөм бөрся колө торйөн видзөдны да кодъясөс вөзйөма босытны биология боксянь дөзьөр улө, мый

вынсьөдöма Коми Республикаса вöр-ва озырлун да гөгöртас видзан министерстволöн 2019 во рака тöлысь 27 лунся 498 №-а тшöктöдöн (3 №-а содтöд).

Заказниклöн флористическöй составыс абу ыджыд, сэнi быдмö 60 гөгöр быдмөг сикас, сы лыдын нитшъяс да ройяс. Унаöн наысь тшöкыда паныдасьöны нюръясын, босьтöны ыджыд ин нюрлысь быдмөгъяса му веркöс артмöдöмын.

## 6. Заказник торйöн ёна видзан режим

6.1. Заказниклöн мутасын оз позь вöчны овмöс нуöдан да мукöд удж, мый вöсна вермас торксьыны экосистемалöн дзоньлуныс, сы лыдын:

- 1) капитальнöя стрöитан объектъяс стрöитöм;
- 2) линейнöй объектъяс стрöитöм, тайö Положениелöн 6.2 пунктын индöм случайяс кындзи;
- 3) абу капитальнöй стрöйбаяс да сооружениеяс стрöитöм, заказниклысь уджалöмсö могмöдöм могысь стрöитöм кындзи;
- 4) пуяс да кустъяс кералöм да механическöя жугöдöм (виччысьтöм да аварийнöй ситуацияяс кындзи);
- 5) абу пуа вöр ресурсъяс, вöрса сёян-юан да бурдöдан быдмөгъяс заптöм да чукöртöм, индöм ресурсъяссö да быдмөгъяссö гражданаöн асланыс могъяс вылö заптöм да чукöртöм кындзи;
- 6) прöмыслöвöя кыйсьöм;
- 7) муяс бурмöдöм;
- 8) химия препаратъяс да мувердас видзöм да наöн вöдитчöм;
- 9) туйясысь, кутшöмъяс эмöсь, да торйöн индöм местаясысь бокин механизируйтöм транспортлöн ветлöм да сулалöм (заказник видзöм серти мероприятиеяс, а сiдзжö заказниклöн мудоръясын меститчысь вöр-ва комплексъяс да налысь компонентъяс видзöм да бöр лöсьöдöм серти мероприятиеяс нуöдöмкöд йитчöм случайяс кындзи), механическöй транспорт средствояс кындзи, кодъяс ветлöдлöны да сулалöны тöвнас лым усьöм бöрын

сэк, кор оз лэдзны му эжд, быдмөгъяс да вөр пуктасъяс жугөдөмсө;

10) туясян (корсысян, геофизическөй, геологоразведочнөй) уджъяс, муывса механизируйтөм средствоясөн вөдитчөмкөд да му эжд да быдмөгъяс торкалөмкөд абу йитчөм уджъяс кындзи;

11) мупытшса озырлун, сы лыдын трунда, корсьөм да перйөм;

12) заказниклысь мутас өгөсьтөм да няйтчөдөм, а сідзжө производство да потребление шыбласъяс меститөм (видзөм да гуалөм), ортсө лэдзан ва нуөдөм;

13) геологическөй, ботаническөй, зоологическөй да мукөд коллекция чукөртөм, наука-туялан могъяс вылө найөс чукөртөм кындзи заказникөн веськөдлан органкөд сөгласуйтөмөн;

14) му эжд да быдмөгъяс торкалөм, вөчны позяна удж сикасъяс збыльмөдан случайяс кындзи;

15) позъяс жугөдөм;

16) аншлагъяс, шлагбаумъяс, стендъяс, мудор петкөдлысь сюръяяс, мукөд юөртан пас да индалысь, экологическөй ордымъясса да шойччан местаясса оборудование бырөдөм да торкөм, пуяс вылын гижалөм да пасъяс вөчөм.

## 6.2. Заказниклөн мутасын позьө:

1) нуөдны наука-туялан уджъяс заказникөн веськөдлысь органкөд сөгласуйтөмөн;

2) кыйсьыны любительскөя да спортивнөя оланпастэчасөн урчитөм пөрадокын;

3) котыртны да нуөдны вөр овмөс да нуөдны вөръясын пөжарысь да санитарнөй боксянь видзчысьөмсө могмөдөм серти мероприятиеяс вөр йитөдъяс ладмөдан юкөнын оланпастэчасөн урчитөм пөрадокын тайө Положениелөн 6.1 пунктса корөмъяс төд вылө босьтөмөн;

4) стрөитны, выльмөдны, уджөдны линейнөй объектъяс сэк, кор найөс меститны мөд позянлуныс абу, а сідзжө заказник уджөдөмсө могмөдөм могысь, заказникөн веськөдлан органкөд сөгласуйтөмөн;

5) капиталнӧя дзоньтавны линейнӧй объектъяс заказникӧн веськӧдлан органкӧд сӧгласуйтӧмӧн;

6) нуӧдны овмӧс да мукӧд уджлысь мӧд сикасьяс, мыйясысь абу ӧлӧдӧма вӧр-ваӧн вӧдитчан да гӧгӧртас видзан юкӧнын оланпастэчасӧн да тайӧ Положениеӧн, оланпастэчасӧн урчитӧм пӧрадокын.

## 7. Бӧртас

7.1. Заказниксӧ, сы лыдын сылӧн мутасын меститчысь вӧр-ва комплексъяссӧ да налысь компонентъяссӧ, видзӧны вӧр-ваӧн вӧдитчан да гӧгӧртас видзан юкӧнын оланпастэчас серти.

7.2. Заказниклӧн вӧр-ва комплексъяслы да налӧн компонентъяслы лектор вӧчан грӧз артмӧм дырйи сылӧн мутасын вӧчны позяна удж сикасьяссӧ дзескӧдӧны, недыр кад кезлӧ дугӧдӧны либӧ дугӧдӧны оланпастэчасӧн урчитӧм пӧрадокын.

7.3. Заказниклысь мутассӧ места вылын индӧны ӧлӧдан да юӧртан пасьяс сувтӧдӧмӧн, а сӧдзжӧ торйӧдӧны тематическӧй картография материалъяс вылын.

7.4. Заказниклӧн вӧр-ва комплексъяслы либӧ налӧн компонентъяслы вӧчӧм лекторсӧ колӧ вештыны Россия Федерацияса оланпастэчас серти.

7.5. Йӧзӧс, кодъяс мыжаӧсь заказник торйӧн ӧна видзан урчитӧм режим торкӧмын, кыскӧны кывкутӧмӧ Россия Федерацияса оланпастэчас серти.

7.6. Заказник торйӧн ӧна видзан урчитӧм режимлӧн уджалӧм да сӧйӧс могмӧдӧм серти мероприятиеяс збыльмӧдсьӧны Коми Республикаса республиканскӧй сьӧмкуд сьӧм да оланпастэчасӧн абу ӧлӧдӧм мукӧд ӧшмӧс тшӧт весьтӧ.

---

Пасйӧд. Меститчанӧнсӧ да мудорьяссӧ опишитӧма Шойнатыса лесничестволӧн 2013 вося вӧр овмӧс котыртан да нуӧдан материалъяс тӧд вылӧ босьтӧмӧн.